



Avannaata
Kommunia



Najugaqarfiit tassaarsuaqarsinnaasut

- Niaqornani sillimanerunissaq pillugu ilitsersuut



Tassaarsuaqarsinnaanera

2017-imi ajunaarnersuaqarnerani
sualummik Nuugaatsiaq
Illorsuit-llu eqqugaammata,
Uummannap eqqaa
tassaarsuaqarsinnaaneranut
qaninnerusoq ersarissivoq.

2021-imi GEUS-imit
misissuinerit ersarissitippaa
ulorianartorsiorneq qanoq
annertutigisoq aamma
Uummannap nunaqarfiinut
tamanut tunngasuusoq.

Taamaattumik nunaqarfinni
tassaarsuaqarnissaanut
ulorianartorsiorfimmiipputit,
Karrat kangerluata kujataanit
Imaluunniit Kigarsimamit
qaqqat sisoorsinnaaneranit
pilersitsisumik.

Ersarissumik
oqaatigineqarsinnaanngilaq
qaqugukkut qaqqat
sisoorsinnaanerat
taamaattorli aallaavittut
oqaatigineqarsinnaavoq ullup
qanorilinera aamma ukiup
qanorilinera apeqqutaatinnagu
qaqqaq sisoorsinnaasoq.

Aamma ima isumaqarpoq, aatsaat
ukiorpassuit qaangiuppata
tassaarsuaqarsinnaasoq
taamaalilluni illit
ilaquttatilluunniit ajunaarnersuaq
misigissanngikkissi.

Taamaattorli qularutissaanngilaq
tassaarsuit annertoorujussuarmik
aserorterinissaat inunnulu
mallinik qaartaarfiusuniittuni
uloriarnartorsiorfitsisinnaanerat.

Taamaattumik pingaaruteqarpoq,
najungaqarfigisanni
ulorianartorsiorfiusinnaasoq
paasiniarluassallugu aamma
qanoq isumannaatsumut
pisinnaanissat paasiniassallugu.

Tassaarsuaqalinnginnerani

Illoqatitit tassaarsuqalernerani piareersakkit

Tassaarsuaqalernissaanut ilimasaarisoqassappat illillu qarsutsiviusinnaasumiillutit uninngaguit, najugaqaruit, suliguit imaluunniit atuaruit piffik tamanna ingerlaannaq qimassavat. Qarsutsiviusinnaasoq qimassavat katersuuffissamullu ornigullutit.

Atisat nerisassat puiaasallunniit imermik imallit poortornissaannut piffissaqassanngilaq. Taamaattumik illugisanni ajunaarnersuaqalernerani poortukkamik piareersareersimanissaq isumassarsilluatsialaavoq, pisariaqarnerpaanik imaqartussamik.

Ilaquattitat oqaloqatigikkit

Ilaquattitat oqaloqatiginerani pilersaarusrornermilu inoqtippit tamarmik ilisimassagaat tassaarsuaqassagaluarpat qanoq iliornissartik.

Taamaalilluni uippakajaartoqalernissaq annikillissaaq qulakkeerneqassallunilu illoqutigiit tamarmik eqqissimanerusumik eqqarsarnissaat taamaalillunilu ajunaarnersuup nalaani qisuarinerat sukkannerussalluni.

Ajunaarnersuarmi pisariaqarnerpaanik poortugaq ukuninnga imaqartariaqarpoq:

- Ikiueqqaarnermi karsi
- Radio imaluunniit VHF
- Qaammartartoq batteriilik
- Mobiili
- Imeq puiaasamiittoq
- Ukiup qanorilinera naapertorlugu atisassamaatit
- Ullut pingasunut nerisassat qillertuusaniittut (Imaanngilaq aatsaat ullut pingasut qaangiuppata ikiorneqassasutit. Taamaallat pisunut tamanut piareersimanissap qulakkeernissaa pineqarpooq)

Sumiiffiit isumannaatsut ilisimakkit


Ataani nunap assingani Niaqornani
aarleqquteqarfiup killeqarfia, kiisalu
nunaqarfimmi katersuuffissat
pingasut takuneqarsinnaapput.
Nunap assinganik tassannga
ilisimasaqarnissat pingartuuvoq.

Ulitsinersuaqarfik =
Ajutoorluinnarfinni
tassaarsuaqarnerani sumiiffiit
eqqugaasussat.

Katersuuffik = Tassaarsuaqarnerata
kinguninngua innuttaasut tamarmik
ornitassaat.

Niaqornat

	Illuliat	Bygninger
	Ulitsinersuaqarfik	Risikozone
	Katersuuffit	Samlingssted



Tassaarsuaqarnerata nalaani

Tassaarsuaqalissagaluarpat

Sissamiinnerni mallit assut
nusutsippata sissamiit
qimagutissaatit portunersamullu
qimaallutit.

Inuit eqqanniittut kalerrikkit.

Upalungaarsimasut politillu
tassaarsuaqalerneranik
nalunaarutisigunik nunaqarfik
kalerrisaariffiussaaq.
Tassaarsuaqarnerani
kalerritsikkuit qarsutsiviusussaq
ingerlaannaq qimassavat.

Taamaattumik umiatsiat, inigisat,
suliffiit atuarfilluunniit ernertumik
qimassavat. Pigisatit allat qimassavatit
naak annaassangaluarukkilluunniit.

Qassutsinersuup nalaaniikkunnaarlutit
isumannaatsumiileruit nunaqarfip
katersuutarfiata tungaanukarit,
taanna nunap assingani qupp. 4-mi
nalunaarsorsimavoq. Taamaalilluni
kikkut ajunnginnersut imaluunniit
maqaasisaqartoqarnersoq
upalungaarsimasut
paasilluarnissaanut qulakkiissavaat.

Eqqaamallugu!

- Tassaarsuaq takuniarlugu sissamukanngilluinnarnissaq.
- Nammieq sissaliassanngilatit naak mallit
tassaarsuaqarnerata kingorna nusutsikkaluarpata.
Tassaarsuit malinnit arlalinnik malitseqartarput arlalinnillu
malitseqarsinnaapput.
- Inuup arpassinnaaneranit tassaarsuaq sukkanerusarpoq.
Taamaattumik isumannaatsumut pinissat tikillugu
portunersamukarit.

Tassaarsuaqarnerup kingorna

Isumannaatsumiigit

Tassaarsuaqarnerup kingorna sissaq nigorlugu ulorianartorsiorfik sapinngisaq tamaat qimassavat tassaarsuaq siulleq amerlanernik anginersuarnillu malitseqarsinnaammat.

Nunaqarfinni kallerup inneranut attavik mobiilinullu attaveqaatit kipisinnaapput. Katersuuffiup eqqaani generatorimut ajornartorsiornermi atortartumut attaviliinissamut periarfissaqarpoq. Aamma naapiffik 1-im 3-milu Ikiueeqqaarnermut atortut toqqillu Issapput.

Katersuuffiusoq qimanngisaannaruk illit ilaquettavillu nalunaarsoqqaartussaammata. Taamaasilluni pisortat illit/ilissi ajunngitsusi ilisimaniassammassuk.

Ikiuisussat aggerput

Nunaqarfiiit tassaarsuaqalissagaluarpat ikiuisussat avataanit tikissapput. Kalaallit Nunaanni Politiit, Issittumi Sakkortooqarfik Avannaatalu Kommunianit Upalungaarsimasut ataatsimoorlutik nunaqarfimmut sukkannerpaamik nunaqarfimmiut pisariaqartitaannik ikiorneqassapput.

Pisariaqartinneqassappat illit ilaquettatillu nunaqarfimmit isumannaatsumut ingerlanneqassaasi.

Nunaqarfinni tassaarsuit pillugit paasissutissat sukumiinerusut:

Kommunip nittargaa takujuk
www.avannaata.gl/tsunami



Avannaata
Kommunia

www.avannaata.gl
(+299) 70 18 00